

泉州府志

第六册

卷之十三

K295.7

2

泉州府志

卷六

藝文志



泉州府志卷之十三

學校一

學校之設以培人才而固邦本廣以習之優以贍之
拜聖親師嚴以約束之歷代以來制濫備矣泉自常
袞倡學歐陽詹應其選迨後而朱紫陽過化之區蔡
文莊挺生之地躋於前哲配享廟廷所謂瓜瓞之綿
其後愈大者也後之學者睹車服禮器鼓篴肄業于
其中思

國家所以尊師厚士之意及夫在昔良有司鄉前輩所

以殷勤造就之心其猶將衍道南一脉以無負海濱
鄒魯之望歟作學校志附以學田書院及名宦鄉賢
諸祠

泉州府學在府城東南三教鋪正中爲

大成殿殿柱皆石殿前露臺翼以扶欄下爲甬道拜庭庭
外泮池亘以石橋周以石欄東西爲兩廡前爲大成門
金聲玉振門門外爲露庭左右爲二柵門外書禮門義
路內書賢關聖域直前爲櫺星門門外露庭庭樹木棉
榕樹數株外臨濠溝渡石橋而南爲文廟門三臨大

街蔽以柵欄由

大成殿東爲

崇聖祠

卽敬一亭故地
乾隆二十六年

移建

又東爲明倫堂堂後爲教授署堂前兩廊露庭庭外

方池中爲石橋外爲育英門堂之東爲鄉賢名宦祠又

東爲尊經閣又東爲射圃觀德堂

今壞
址存

又東爲百源川

放生兩池間之後爲道南祠祠之西爲福德堂其東爲

崇聖祠舊址由育英門而左爲詹昶亭祠陳紫峯祠

又左爲蘇紫溪祠蔡忠毅祠周忠愍祠忠毅祠前西向

爲郭恭定祠祠前有坊扁曰義路由育英門而右爲顧

新山祠李文節祠以達于聖域門繞門而南爲夫子泉

井泉舊在禮殿邊隆興初清泉涌出甘香特異敎授黃
啓宗視役夫雜蕪得之迺率諸生拜觀環贊其旁名
夫子泉傳祕閣自得爲記王十朋讀君不見水經品第
天下永康王谷中泉第一但知取水不取人品第未容
無得失又不見武昌山中清冷淵名因人重逢蘇仙至
今人呼作菩薩淪入異教非吾泉刺相城中泮宮裏大
成殿下新泉水不須更以品第論混混源流自夫子諸
生游泳芹藻間日飲一瓢心慕顏聰明不數遠公社清
白大勝臥龍山聖號尼邱家闕里泉脈胡爲今古是周
流天下皆美泉浚井得之泉更美我來酌泉仍叩頭遐
想洙泗三千游世間何處有此水此州無媿名泉州後
堙明嘉靖二十二年敎授唐堯賓重濬于此立碑其上
表學前橋
日洙泗

又南爲海濱鄒魯亭亭之左爲王慕蓼祠爲

施襄壯祠前達于河通以石梁爲洙泗橋橋之南左爲

黏郁菴祠南臨街衢有木牌坊爲府學門外有照牆石

刻青雲路三字由

大成門而西賢關門外爲西序訓導

署在焉署之前爲洪文襄祠莊羹若祠又南北向爲何
鏡山祠西向爲蔡文莊祠祠臨濠跨石橋達于南街爲
泮宮門斯則記所稱贖庚門舊地以挹紫帽之峯者也
唐時在衙城右爲魯司寇廟張九齡書額廟庭有阜英
每應州人舉進士之數

詳見拾遺

五季爲宣聖廟宋太平興

國初郡守喬維岳始遷崇陽門外之東南卽今地七年
守孫逢吉卽廟建學其後運判趙賀郡守陳欽祚俱有
興修祥符二年守高惠連遷于育材坊去舊學西北四

十餘步

坊在夢果巷口及復原所以地賜莊夏坊廢

熙寧元豐間守陳偁黃

仲王祖道繼修崇寧間升養士之額大觀三年郡人龍

圖柯述白於郡守復于故址紹興七年守劉子羽重建

左學右廟

閩書作左廟右學

增舊基高二尺餘廟之中爲先師

先師殿前爲東西廡學之中爲明倫堂後爲議道堂明倫堂

前爲東西十二齋

初列正已上達等十二後減爲志道據德依仁游藝四齋

殿堂之

之南各有方池學池前爲藏書閣廨宇庖廩悉備又贖

庚門舊地闢門西向門內鑿河浚池以通巽流伐石爲

橋以納潮汐

閩書門外摹湖學石曼卿書勅建州學四字揭之張讀記惟學宮之建在州城南之

東門直于夷以闢通衢擅山川之壯氣踐槐槐襲哀元勳
偉節世有名人厥後太守高侯逞私憾遷而西之衣冠
遂成嗜音鼓篋來遊者每憤惋焉舍法之初升養士之
額厥地褊逼不足以容冠履大觀三年鄉先生龍圖柯
公述解組還鄉狗枌榆之輿情審芹菲之故址乃叩州
牧自西而東今學是也然廣輪雖延袤而基址卑下時
浸淫壞屋壁者屢矣加之行門隙地以給編戶未仍舊
貫生徒訓詁至興歎訟竟以居民高貴沮格不行不獲
已經委巷而出土氣伊鬱積年于茲紹興丙辰冬富沙
劉公子羽來曳泉山之絨坐席未溫已大播桃李袴襦
之語鈴齋餘暇解榻優賢適以上丁從事于學前期齋
綸裴回周覽憫館舍之頽隘進諸生而告之曰學校不
修太守之責也時雖閒關詎忘俎豆乎遂鳩工市木委
教授載傳駐泊張謹共董其事增卑而高凡二尺餘殿
儼其中螭螭翬展從事修廊以翼左右爲堂二以集講
論齋十有二以分肄習職事位亦如之御書有關祭器
有庫廩房燕亭賓次庖廩之屬一新輪奐又贖庠門舊
地以揭紫帽之峯橫跨石橋因南溪交流入自巽方遂

鑿長河濬青草池經潮汐於橋之下則學宇告備矣教
官廡舍在學之右乃矜佩函丈之地亦廣而新之闕十
旬畢工糜金錢五萬餘緡公帑民力無絲毫擾父老士
民樂輸金以犒役既成公力丐宮祠士子願借雷不克
從欲無由報萬一營生祠於講堂之左巖巖清淨庶幾
朝夕景仰焉讀嘗聞魯侯修泮宮當時有史克頌之鄭
僑不毀鄉校後世有韓愈頌之並能流芳古今學者慕
向矧雄偉不常之功趙魯跨鄉蕪纍匪工輒希二頌遺
文以揄揚之因託名不朽頌曰赫赫清源甲于閩山有
屹其嶠有澄其淵地靈人傑龍虎舊傳荖肩蘊藻煒燁
青編我宋龍興化被幅員茲惟望郡首建學宮卜云其
吉雉城東偏公卿紛還譽謠中原高侯逞憾迺西阻遷
中繼克復未正門闕士氣不振殆幾百年遘矣劉公忠
義蟬聯輟自紫雲來擁朱轡雍容下刃視牛無全鈞禮
韋布載笑載言時惟上丁齋戒告蠲爰盼廡廊畫楹圮
輒惻然動色子職承宣學校不修又誰咎焉屢入意匠
乃趣工班材如雲委紀梓楠榱百堵俱興如飛如鞠門
直于西前掛紫綬石梁雄跨虹臥清漣江山增麗亘古

無前青衿感惻惻萍瀾龍泉鵬搏鵬化春榜學先遵禮踏
周室勿朝端何以報之繪像巖巖我公之德業兮拂日
吳天我公之福履兮方至猶川我公之眉壽兮超百
千曼曼作頌兮記青瑤鑣鑣鑣鑣慶志云門在今西號房石
亭之石河即學西河溝池即今石亭下池嘉靖初年教
授居焉河納南溪支流潮汶入亭下池左通廟學方池
與先孝塘合今溪池仍舊相通惟塘溝湮塞
紹興中即學東偏附以晉江縣
學淳熙四年別立守葉廷珪修乾道間教授林出立瑞

蓮堂于講堂右

閩書紹興十九年秋講堂下池產雙頭連係梁克家肄業之所守辛亥磨以詩

紀瑞是年文靖首選明年廷試第一至是致授出爲立斯堂教授張叔椿爲記互見古蹟淳熙中守

姚憲易廟門修文昌閣及諸齋九年守司馬伋飾禮殿

設殿廉兩廡十二年守林枏修之紹熙中守顏思魯慶

元中守朱佺相繼修葺嘉泰元年守倪思作櫺星門闢
武齋增小學葺齋廊廟門及從祀之屋四年守章良能
甃十五齋地增置官書三千五百餘本嘉定四年守鄒
應龍卽明倫議道二堂開建六經閣後廢十四年守宋
鈞新十二齋紹定改元教授鄭瑱立先賢祠于廟東淳
祐間守黃朴劉煒叔陳大猷韓識相繼修成淳元年儲
晉江令鍾國秀重建廟殿增舊基高二大拓廣兩廡成
淳中殿燬守趙希佐重建

洪大鈞記天下萬形皆囿于數惟形而上者非數所能囿故巨浸不能汨五行之倫烈燄不能燬六經之理此夫子之道所以超衆有而獨存閱萬變而亡弊也辨蒙志

奮若之歲冬十月辛巳泉州大成殿火宗正行守事趙
侯希能以兵救正故得不燬申旦率僚佐及有位于學
者臨大子之庭提學使者移問火故校官林起東黃以
議震悸承命郡都素村侯悉少府用度輟師生餐錢命
別駕虞會元幕史霆聲泄其事大漕寄公各致助里之
喜於義者願受役焉明年六月甲子禮殿告成用舍萌
禮費廟重橋四河視舊加壯塑繪就章各按儀式先儒
從祀如穆陵詔事竣事二校官以侯命來謁曰典教
亡狀貽禍聖師無所逃戾茲幸而濟未知能自贖不記
事之成敢重奉以請予謝曰此童子時所詠歸也雖老
且病苟敢曰不可春秋書新宮災而新宮成不書今書
春秋意與一君固請曰僅知臯已顧微以復侯命予不
得謝迺曰侯命辱矣紫陽夫子侯之外王父也文獻在
焉朱子嘗識白鹿禮殿欲按開元禮臨祭設位不果欲
改跪坐又不果豈像於古未有而禮以義起亦莫之敢
廢與我朝通祀之典所以度越前古非但門二十四戟
冕十有二旒錫之鎮圭扁以宸翰而已列聖以儒立國
諸老以道覺民緯義經仁祖性宗命億萬斯年賴此一

脉學宮像設特以收斂人心之敬夫子之道豈依形而立哉昔聞至人人火不熱是雖寓言可以喻道善學者能於溫厲恭安而得夫子之氣象於踧踖瞻翼而得夫子之步趨於鑽仰瞻忽而得夫子之博文約禮於及門歷階升堂入室而得夫子之宗廟百官道在人心火固不能熱也特患人心不火而熱如朱子所憂爾內愧束經也外誘抱薪也吾爲此懼二君幸以復侯倘以爲然願與承學交相徵焉侯方築精舍祠紫陽尊師重道不以乏辭蓋政出於學故知所先後云元大德三年福建都元帥札刺立丁

重修明倫堂十年總管李賢翼及整治學校官林坤修

大成樂

揚應子記泉學士風最盛國朝崇儒重道教養

並舉故于今尤

齊濟然大中大夫總管李侯賢

翼政本於教十民愛之亦既四載其於學事靡不用情先是祭器之未備侯倡致用院官同捐已財易竹木而爲銅者二百六十六事依合古式以嚴祀奠善類嘉尚

形于歌辭此去年之冬也

今年春正月江浙等處行中

書省所委整治學校官林君坤之來泉廟謁閒侯請之
日每歲春秋二丁禮雖舉矣而大晟之樂未之聞也非
闕典與按宋政和之所頒侯按察之所定與夫福學之
所行互有稽焉泉之視福其猶鄒魯也知樂者莫子若
述而作之是不可以謝不敏林君慨然究心於是鐘磬
琴瑟笙簫壎篪祝歌搏拊大小長短畢備而中度焉選
樂生及登歌者百十有餘人教以樂音作止疾徐合奏
而中節焉其鐘之夷則中聲黃鐘清者得之故相畱公
之家似有所待又增祭服若干件其費則侯偕同知顯
武重福治中昭信塔里牙赤府判傅奉訓澤推官成承
務汝揖楊永務彥祥知事張元亨提控案牘李晉楊茂
几府之在職伯夫司縣之官屬各助俸一月萬戶顯武
孫侯天有樂於致助然學之士亦皆捐俸輟月供之一
餘皆盡出於侯宣闔憲司聞而是之任其勞者正學權
學事陳大賜分其勞者晉江牧諭馮深道經師王伯琦
司服李謙甫司器陳承伯逾月告成而林君之能事畢
矣仲春越七日丁未有事于先聖先師八音克諧通
乎神明洋洋乎樂聲觀者莫不笑容欣欣然而相告曰

此則我侯之爲甚盛舉也見所未見聞所未聞自今以始器文案然傳正音於千載贊聖憲於萬世示吾道於斯民又豈但繫一州之觀聽而已嗟夫今之爲政者多緩其所當急急其所當緩茲侯之爲知所當急矣蓋樂也者情之不可變也者禮也者理之不可易也者嚴與和交相顯明自古迄今不可闕一而況當此盛明之世而用之於夫子之殿庭者乎昔也廢而今也興昔也缺而今也備共事神也敬其感人也深其移風易俗也易傳有之曰禮樂兼得謂之有德於是乎書至治元年總管廉忱始鑿臺塑

兩廡從祀像築杏壇于櫺星門南至順開總管怯來修

殿廡堂齊櫺星門廳事祠宇復飭聖賢從祀像

陳旅記溫陵校

官疎應麟馳書于旅曰應麟那諸生也很承龍光得歸與邦人士學于泮水之上惟德薄不足荷茲榮寵也則夜思所以盡吾心焉乃展誦宣聖廟貌屋室彫敗神物故閣下視廊門暨師弟子舍皆缺焉隙隙漏弗安弗

神物故閣下視廊門暨師弟子舍皆缺惡隙漏弗安
殿蓋因循不葺二十年矣謂吾郡諸生何又可玩愒
月視此爲傳舍如嚮之爲是官者乎卽以修興事白
侯法來侯瞿然曰事孰有尚於此當與子亟圖之毋使
我有旣去之悔乃召木土石金設色之工求衆敝以篲
費旣又曰士廩薄不可以大給也民力瘁不可以重勞
也則出私帑倡在郡之篤於義者於是某等咸欣助官
于學者業于學者亦舍錢以相役元統三年五月庚寅
肇力自禮殿至殿門悉易其壞而丹雘之作孺星門飾
先聖先師從祀賢人像明倫堂學正錄廳左右齋四十
間悉改覆平寔地爲堂塗闢齋廡爲廣廡凡從祀者之
祠又靡不舉其年七月告成是何其旣完且美之易也
蓋侯能以是爲已責而助之者亦以爲已所當爲也皆
可書敢用請于執事旅闕之學以治乎心也心有不治
則其見於事者荒矣心之爲物至微也而周流於日用
之閒至著也失於耳目之所不及君子猶得以議其心
學之末善嘗接於耳目又其事之不可苟者坐視而弗
治則其存於中者陋亦甚矣尙得謂之實有學也乎哉
敬者治心之道也不能有爲者有苟焉之心也心主敬